

PROTOCOLO DE COLABORACIÓN ENTRE A VALEDORA DO POBO E A FEDERACIÓN GALEGA DE MUNICIPIOS E PROVINCIAS PARA O DESENVOLVEMENTO DE INICIATIVAS DE COLABORACIÓN

Santiago de Compostela, a 23 abril de 2021

COMPARECEN

Dunha banda, Dª. DOLORES FERNANDEZ GALIÑO, Valedora do Pobo de Galicia, segundo nomeamento efectuado por Resolución do 31 de xullo de 2019 (DOG do 1 de agosto), actuando en nome e representación da Institución en virtude dos poderes outorgados pola Lei 6/1984, de 5 de xuño, da Valedora do Pobo, e sede na Rúa Hórreo nº 65, CP 15700, de Santiago de Compostela.

Doutra, D. ALBERTO VARELA PAZ, Presidente da Federación Galega de Municipios e Provincias (en diante, FEGAMP), no uso das facultades que lle son atribuídas polo artigo 46, punto primeiro letra b) dos vixentes estatutos da FEGAMP (aprobados pola asemblea xeral ordinaria do 4 de decembro de 2003) e en virtude do seu nomeamento pola asemblea do 29 de novembro de 2019.

As partes recoñécense de modo recíproco capacidade, lexitimidade, suficiencia e vixencia das súas respectivas facultades para subscribir o presente protocolo.

EXPOÑEN

PRIMEIRO.- Que a Valedora do Pobo é un órgano estatutario definido legalmente como o Alta Comisionada do Parlamento de Galicia para a defensa, no ámbito da Comunidade Autónoma, dos dereitos comprendidos no Título I da Constitución, e dos dereitos individuais e colectivos emanados do Estatuto de Autonomía, en especial os sancionados no seu Título Preliminar. Tamén garante o sometemento pleno das administracións galegas á lei e ao derecho e exerce as demais funcións que lle atribúe a Lei 6/1984, de 5 de xuño, da Valedora do Pobo.

Gran parte do seu labor institucional desenvólvese coas diferentes administracións locais de Galicia.

A Valedora do Pobo, para o desempeño das mencionadas funcións, supervisa a actuacións das administracións galegas e promove actividades de defensa, divulgación e pedagogía dos dereitos e liberdades, para o que pode establecer fórmulas de cooperación.

SEGUNDO.- A Federación Galega de Municipios e Provincias é unha asociación de entes locais de Galicia.

Entre os seus fins atópase o fomento e a defensa da autonomía das entidades locais e promover, representar e defender os intereses das mesmas ante outras administracións públicas.

Entre outras cousas, a Federación Galega de Municipios e Provincias pode constituir servicios de asesoramento e asistencia para os seus membros, e organizar e participar en reunións, seminarios, congresos e xornadas de estudio e orientación.

A FEGAMP está lexitimada para firmar o presente protocolo, amparada nos seus Estatutos e na Lei 7/1985, do 2 de abril, reguladora das Bases do Régime Local (Disposición Adicional Quinta).

Así mesmo, respecta a autonomía local de cada un dos seus asociados e centra o seu labor diario nas funcións recollidas nos seus estatutos fundacionais:

- Fomentar e defender a autonomía das Entidades Locais
- Promover, representar e defender os intereses das Entidades Locais ante outras administracións públicas.
- Calquera outro que afecte ou incida de forma directa ou indirecta aos seus asociados ou á propia Federación.

Con esta finalidade, a FEGAMP ten capacidade para:

- Facilitar intercambios de información mutua.
- Constituir servizos de asesoramento e asistencia para os seus membros.
- Organizar e participar en reunións, seminarios, congresos e xornadas de estudio e orientación.
- Dirixirse aos poderes públicos, intervindo, no seu caso, na formulación da normativa legal que afecta aos Entes Locais.
- Promover publicacións, estudos e documentos informativos na materia da súa competencia.

TERCEIRO.- Que tanto a Valedora do Pobo como a Federación Galega de Municipios e Provincias están de acordo en desenvolver fórmulas de cooperación entre ambas para promover os seus intereses comúns.

CLÁUSULAS

PRIMEIRA.- FINALIDADE DO PROTOCOLO

O obxecto do presente protocolo é promover a cooperación entre as partes e desenvolver actividades conxuntas en ámbitos nos que exista un interese común.

Entre eses obxectos atópanse os definidos nas Cláusulas Segunda e Terceira e calquera outro que encaixe na anterior definición do obxecto do protocolo, segundo acordo entre as partes por medio da Comisión Mixta prevista na Cláusula Cuarta.

SEGUNDA.- INTERCAMBIO DE INFORMACIÓN OU ACTUACIONES

As partes remitirán á outra a **información ou as actuacións que consideren de interese común** en relación co exercicio das súas funcións.

Entre outras informacións ou actuacións, a Valedora do Pobo remitirá a Federación Galega de Municipios e Provincias resolucións dirixidas a todos os concellos de Galicia, co obxecto de que lles sexan trasladadas con efectos informativos.

Entre outras informacións ou actuacións, a Federación Galega de Municipios e Provincias trasladará á Valedora do Pobo as memorias ou valoracións que considere de interese para o desenvolvemento das funcións desta.

O intercambio de informacións ou actuacións producirase sempre sen prexuízo da independencia de ambas partes para o exercicio das súas respectivas funcións.

TERCEIRA.- XORNADAS DIVULGATIVAS

As partes poderán convocar conxuntamente **xornadas formativas** sobre o desenvolvemento das funcións da Valedora do Pobo no ámbito das administracións locais e dese xeito proporcionar formación completa das especialidades máis relevantes dos procedementos de supervisión.

As partes tamén poderán convocar conxuntamente xornadas formativas sobre o desenvolvemento das funcións da Federación Galega de Municipios e Provincias.

Os destinatarios das xornadas formativas serán as autoridades e/ou os empregados públicos cuxo traballo se vexa afectado polas materias as que se adiquen as xornadas.

As xornadas poden engadir a participación de organismos que permitan unha acreditación específica da participación, nomeadamente as entidades públicas de formación dos empregados públicos.

CUARTA.-COMISIÓN MIXTA

Para o seguimento e control dos acordos adoptados neste protocolo, así como a programación e convocatoria das actividades, constituirase unha comisión mixta formada:

- Polo secretario xeral da Valedora do Pobo.
- Polo secretario xeral da Federación Galega de Municipios e Provincias.

QUINTA.- AUSENCIA DE COMPROMISOS ECONÓMICOS

A execución do presente protocolo **non comporta compromisos económicos** directamente derivados do mesmo.

Os gastos dos eventos serán assumidos polas propias entidades organizadoras e polos participantes na parte que corresponda a cada un, sen prexuízo das fórmulas de cooperación que podan darse para o seu financiamento.

SEXTA.- VIXENCIA

O presente protocolo terá vixencia desde o día seguinte da súa formalización e estenderá a súa vixencia ata o 31 de decembro de 2021, sen prexuízo da súa prórroga mediante acordo expreso das partes por períodos anuais ata un máximo de catro anualidades, tendo en conta o disposto no artigo 49.h) da Lei 40/2015, do 1 de outubro, de Réxime Xurídico do Sector Público.

SÉTIMA.- NATUREZA XURÍDICA DO PROTOCOLO

Este protocolo ten natureza administrativa e rexerase pola Lei 39/2015, do 1 de outubro, do procedemento administrativo común das administracións públicas, Lei 40/2015, do 1 de outubro, do réxime xurídico do sector público, e polas demais normas de dereito administrativo e no seu defecto, polas normas de dereito privado.

En proba de conformidade cos termos expostos, os comparecentes, na representación que ostentan, asinan para este só efecto e por cuadriplicado, no mesmo lugar e data anteriormente indicados.

OITAVA.- PROTECCIÓN DE DATOS DE CARÁCTER PERSOAL

As partes asinantes obríganse ao cumprimento do Regulamento (UE) 2016/679 do Parlamento Europeo e do Consello, do 27 de abril de 2016, relativo á protección das persoas físicas no que respecta ao tratamento de datos persoais e á libre circulación destes datos e polo que se derroga a Directiva 95/46/CE (Regulamento xeral de protección de datos), da Lei Orgánica 3/2018, do 5 de decembro, de Protección de Datos Persoais e garantía dos dereitos dixitais, do Real Decreto 1720/2007, do 21 de decembro, polo que se aproba o Regulamento de desenvolvemento da LOPD, e demais normativa vixente de aplicación en cada momento en materia de protección de datos.

NOVENA.- MODIFICACIÓN DO PROTOCOLO

A modificación do presente protocolo requirirá a conformidade da Valedoría do Pobo e da Federación Galega de Municipios e Provincias e formalizarase mediante a subscrpción da correspondente addenda ao mesmo.

DÉCIMA.- RESOLUCIÓN

O protocolo poderá resolverse por algunha das seguintes causas:

- Dificultades insuperables debidamente xustificadas que impidan levar a bo termo as actividades estipuladas.
- Por incumprimento dos compromisos acordados, non emendado no prazo de 30 días hábiles dende o requerimento escrito da outra parte.

A resolución anticipada do protocolo non afectará as actividades iniciadas e pendentes de finalización, de acordo co contido deste protocolo e dos acordos específicos que se subsciran no seu desenvolvemento.

DÉCIMO PRIMEIRA.- XURISDICCIÓN

As dúas partes comprométense a resolver de común acordo todas as cuestiós de interpretación e seguimento, así como a resolución de cantes conflitos puideran xurdir no seu desenvolvemento.

En defecto de acordo, as controversias que poidan xurdir entre as partes resloveranse polos Xulgados e Tribunais do contencioso-administrativo de Santiago de Compostela, aos que ambas partes se someten expresamente.

E, como proba de conformidade, asínase este protocolo por duplicado no lugar e data indicados no encabezamento.

Pola FEGAMP



Asdo.: *Alberto Varela Paz,*
presidente

Pola VALEDORA DO POBO



Asdo.: *Dolores Fernández Galiño,*
valedora